

M504: Mitteldeutsche Predigten (H2)

- 1r,1 –[...] die daz viur entbrennen sal . daz ist der tiuvel . unde alle sîne volgære .
- 1r,2 die *sulen êwiclîche brinnen in deme viure . von deme
- 1r,3 viure . ist geschriben “ignis eorum non extinguetur . et vermis eorum
- 1r,4 non morietur .” der *übelen viur . wirdet niemer verleschet . unde [der]
- 1r,5 wurm der erstirbet niemer . lieben . der *übele wurm .
- 1r,6 daz ist der leide tiuvel . der sie sal nagen . unde *marteren . naht
- 1r,7 unde tac . daz wir dâ sprechen . naht . unde tac . daz sprechen wir .
- 1r,8 umbe daz niht . daz dâ iemer werde tac . oder tages licht
- 1r,9 dâ daz êwige vinsternisse ist . wande ez ist alsô gesprochen
- 1r,10 daz ire ungenâde . iermêr . *weren sal . nû *sulen wir hiute
- 1r,11 biten *unseren hêrren . der durch unsich . in dise werlt wolte
- 1r,12 kumen . daz er uns des volle helfe . daz wir dar müezen kumen
- 1r,13 dâ er die êwigen genâde bereitet hât . allen sînen holden .
- 1r,14 die in minnent . lieben . diu ûfvar *unseres hêrren . die
- 1r,15 was bezeichnenet . manige wîs . in der heiligen schrifte . dannen
- 1r,16 abe sprach der wîse Salomon . in eineme buoche . daz er *gemachet
- 1r,17 hâte . von unserme hêrren . unde von der heiligen
- 1r,18 kristenheite “similis factus est dilectus meus capreae hinnuloque
- 1r,19 cervorum super montes aromatum .” lieben . mîn liebe . der ist gelîch
- 1r,20 worden . eineme rêhe . unde eineme hintkalbe . ûfe deme
- 1r,21 berge guoter wurze . daz rêch . unde daz hintkalp . daz sint
- 1r,22 zwei snelliu tier . unde *varent al mit sprungen . unde weidenent
- 1r,23 gerne . an den bergen . lieben . daz bezeichnenet *unseren
- 1r,24 hêrren . des snellicheit . diu ist grôz . wande minner
- 1r,25 wîlen . danne ein ougebrâwe die *anderen berüere . sô umbevert .
- 1r,26 unser hêrre . alle die werlt . mit sîner wîsheite .
- 1r,27 also dâ geschriben ist . “attingit a fine usque at finem fortiter
- 1r,28 et disponit omnia suaviter .” er trifft von eineme
- 1r,29 ende der werlte . unde aller der dinge . die er geschaffen hât
- 1r,30 biz an daz . ander ende . starke . unde setzet allez ze satze gemechlîche .
- 1r,31 sîne sprunge . wâren seltsæne . daz was einer
- 1r,32 von deme *himele . in dise werlt . durch *unsere *sünde . der
- 1r,33 ander an daz kriuze . dâ er sîne hende . an strakte . unde die
- 1r,34 durchslagen wurden . mit nagelen . unde dâ mite . gewan
- 1r,35 er den namen . quot est super omne nomen . der dâ ist über
- 1r,36 alle namen . daz er ein hêrre ist geheizen des *himeles

- 1v,1 –[...]
- 2r,1 “–[...] in der êwigen verlust . wande dû des wântes . daz man die genâde
 2r,2 des heiligen geistes . solte koufen . unde verkoufen . dîn herze ist” sprach
 2r,3 er “vol aller unreinicheite . unde diu *bittere galle . des unrehtes .
 2r,4 diu hât dich mitalle ervüllet .” lieben . alsô wart er verrâten
 2r,5 unde sider mâles . swâ er *sancte Pêtris werke iht vernam . dâ schalt
 2r,6 er in . unde sprach . er wære ein triegære . unde ein boese vischære . dô
 der
 2r,7 selbe *tiuvels bote . dar quam . dô tet er manic zeichenlich zouber .
 2r,8 dâ die houbet stuonden ergraben . in den sûlen . dâ schaffete er . daz
 2r,9 die liute dûhte . daz sie lebeten . die er wolte stecken . die steckete
 2r,10 er . allen gâhes . daz sie von der stat . niht kumen mohten . unde
 2r,11 machete sich ungesihtlich . unde verswant den liuten under den
 2r,12 handen . unde vermaz sich des . daz er die tôten wolte erquicken .
 2r,13 unde ander manic dinc tete . die die liute . wunderlich dûhten .
 2r,14 sancte Pêter unde sante Paulus . die ne wurben niht . mit decheiner
 2r,15 trügene . sie tâten die tôten ûf stên . in *unseres hêrren namen .
 2r,16 unde macheten die siechen gesunt . unde predigeten allertagelîches .
 2r,17 daz gotes wort . unde sprâchen . swer sich an zouberære . iht hefte .
 2r,18 der muoste gotes hulde . verloren hân . alsus huop sich in der stat .
 2r,19 ze Rôme . michel gezoc . unde zerwürfnisse . unde zweiunge . under
 2r,20 deme liute . sumelîche volgeten sancte Petro . unde sancte Paulo . die
 2r,21 got erkanten . den aber îtelheit . lieb was . die volgeten deme
 2r,22 goukelære . diz quam dô vüre den keiser ze Rôme . der hiez Nero .
 2r,23 unde was untîure . des lîbes . unde unreine des muotes . umbe die
 2r,24 sêle . sô ne hâte er decheine ahte . er was ungestalt . er schilhete .
 2r,25 er was *kale . unde hâte eine *andere unreinicheit . die die
 2r,26 buoch heizent . “erinam intestinorum scilicet demissionem .” er sluoc
 2r,27 sîne muoter . unde sînen bruoder . unde sînen meister . Senecam . unde
 2r,28 Lucanum poetam . unde die burc . hiez er entstecken in *zweliv
 2r,29 enden . mit viure . durch *anderes niet mêre . wande durch sîne
 2r,30 gelust . die altesten unde die *bezzisten . die ze Rôme wâren . den
 2r,31 nam er den lîp . unschuldic . mit verrætnisse . nie mohte .
 2r,32 geboren werden . *solich huorære . *solich vrâz . *solich trenkære .
 2r,33 unde aller bôsheite . was er vol . der was dô ze Rôme keiser . unde daz
 2r,34 rîche . was mit ime gelasteret . unde verschelket . der hiez
 2r,35 dô vüre sich gewinnen . Simonem den zouberære . unde sancte Petrum .
 2r,36 unde sancte Paulum . unde sprach zuo in allen drîn . “ir hêrren . waz ist
 daz
- 2v,1 –[...] ir daz liut verirret .”
 2v,2 dô sprach – der zouberære . “hêrre keiser von Rôme . dise zwêne
 2v,3 diz sint trügære . der eine ist ein vischære . unde der ander ist ein klaffære
 2v,4 unde *varent sus after lande unde verkêrn daz volc unde predigent
 2v,5 daz der got wære ire meister den die juden kriuzigeten ze *Jerusalêm .”
 2v,6 des antwurte sancte Pêter unde sprach . “[hêrre] keiser [læzes] [dû] disen
 zouberære

- 2v,7 iht langer leben er verliuset dir dîn êre unde dîn sêle .
 2v,8 –[...] wande der tiuvel sîn meister ist . –[...] mit des helfe betriuget
 2v,9 er die werlt . wilt dû aber wizzen wer unser meister wære
 2v,10 Jesus Christus . der wærlîche gotes sun ist . unde der –[...] in die werlt
 2v,11 quam daz er unsich erlôste . unde tet vile manic zeichen –[...]
 2v,12 –[...] unde der zuo jungest gemartelt
 2v,13 wart durch *unsere sünde . niht durch die sîn . ob dû daz
 2v,14 allez vile rehte wilt wizzen sô heiz dir den brieu lesen den Pilatus
 2v,15 sante deme keiser Claudio dîneme *vorevaren unde an deme
 2v,16 brieue [maht] [dû] [vernemen] [wer] [unser] [meister] [wære]” dô hiez der
 keiser
 2v,17 den brieu lesen . dô er in vernam dô sprach er Simon deme zouberære
 2v,18 zuo . “waz spriches dû Simon .” dô sprach Simon . “ez ist allez
 2v,19 ein lûgene . daz dise sagent –[...] . ich bin wærlîche
 2v,20 gotes sun unde wil dir dîn rîche veste machen . unde nâch deme
 2v,21 lîbe wil ich dich zuo *himele vûeren .” dô sprach sancte Pêter
 2v,22 dû bist des *tiuvels bote dû bist gotes sun niht daz wile ich
 2v,23 bewæren vore deme *keisere –[...] deme ist allez
 2v,24 daz offen . unde kündic . daz in der werlte ist [unde] [weiz] *wole
 2v,25 allez daz der *mennische gedenket . ob dû nû gotes sun bist .
 2v,26 sô sage deme *keisere . wes ich nû gedenke . unde –[...] sô wil
 2v,27 ich deme *keisere *allerêreste mîne gedanke sagen . den worten .
 2v,28 daz dû decheine lûgene getuon mügest . dô rûnete *sancte
 2v,29 Pêter deme keiser in sîn ôre –[...]
 2v,30 –[...] brôt bringen –[...]
 2v,31 –[...]
 2v,32 –[...]
 2v,33 –[...]
 2v,34 –[...]
 2v,35 grôze hunde unde – Pêter –[...]
 2v,36 quâmen grôze hunde unde –[...]